



Газета 1966 йил 1 июлдан чиқа бошлаган

ШАҲАР ИЖТИМОИЙ-СИЁСИЙ КУНДАЛИК ГАЗЕТАСИ

№ 39 (13.636)

Баҳоси эркин нарҳда



## ЎЗБЕКИСТОН ВА ТУРКИЯ ПРЕЗИДЕНТЛАРИНИНГ ТЕЛЕФОН ОРҚАЛИ МУЛОҚОТИ ТЎҒРИСИДА

**26 февраль куни Ўзбекистон Республикаси Президенти Шавкат Мирзиёевнинг Туркия Республикаси Президенти Режеп Таййип Эрдоган билан телефон орқали мулоқоти бўлиб ўтди.**

Президент Шавкат Мирзиёев Президент Режеп Таййип Эрдогани туғилган куни билан самимий қутлаб, унинг Ўзбекистон билан Туркия ўртасидаги қардошлик ва стратегик шериклик муносабатларини ривожлантириш, ўзаро манфаатли ҳамкорликни мустаҳкамлашга қаратилган катта эътибори ва саъй-ҳаракатларини ҳамда қўшаётган улкан ҳиссасини алоҳида қайд этди.

Сўхбат чоғида икки давлат раҳбарлари томонидан 2017 йил октябрь ойида Туркия Республикасига амалга оширилган олий даражадаги ташриф доирасидаги самарали учрашув ва музокаралар кўп қиррали ва ўзаро манфаатли икки томонлама ҳамкорликни янада ривожлантириш учун мустаҳкам замин яратгани ҳамда аниқ амалий мазмун бахш этгани чуқур мамнуният билан қайд этилди.

Президент Режеп Таййип Эрдоган Президент Шавкат Мирзиёевга табрик ва зғу тилаклар учун самимий миннатдорлик билдирди. Ўзбекистон Президенти тисмолида Ўзбекистон – Туркия ҳамкорлигини ҳар томонлама мустаҳкамлаш борасида ҳақиқий биродар ва ҳамфикрга эга бўлганини алоҳида таъкидлади.

Мазкур тарихий ташриф якунлари бўйича эришилган аниқ келишув ва имзоланган битимларнинг бажарилиши, жумладан, савдо, инвестиция, банк-молия, транспорт, туризм ва бошқа муҳим соҳалардаги йирик қўшма лойиҳаларни ҳаётга тўлиқ татбиқ этиш борасида келишиб олинди.

Туркия Республикаси Президенти Режеп Таййип Эрдоғаниннг Ўзбекистон Республикасига бўлғуси олий даражадаги ташрифига тайёргарлик кўриш ҳамда муқаддам эришилган келишувларнинг бажарилиши масалалари юзасидан Савдо-иқтисодий ҳамкорлик бўйича ҳукуматлараро қўшма комиссиянинг навбатдаги йиғилишини ташкиллаштириш муҳимлиги эътироф этилди.

Сўхбат чоғида икки мамлакат раҳбарлари Ўзбекистон – Туркия ҳамкорлигини янада кенгайтириш истиқболларини атрофлича муҳокама қилди, минтақавий ва халқаро долзарб масалалар бўйича фикр алмашди.

Мулоқот сўнггида давлат раҳбарлари Ўзбекистон билан Туркия ўртасидаги азалий дўстлик ва қардошлик алоқалари ҳамда аънавий яқин ҳамкорликни ҳар томонлама ривожлантириш ва мустаҳкамлашга тайёргарлигини билдирдилар.

ЎзА

**Тошкент темир йўл вокзалида Қуролли Кучлар резервига бўшатишган аскарларни тантанали кутиб олиш маросими бўлиб ўтди. Унда жамоатчилик вакиллари, аскарларнинг ота-оналари, ёшлар иштирок этди.**



## ЙИГИТЛАР ХИЗМАТДАН ҚАЙТДИ

Тошкент ҳарбий округи қўшинлари қўмондони ўринбосари полковник Бахтиёр Ҳуролбоев, Мудофаа вазирлиги Жамоатчилик кенгаши аъзоси, Халқаро Амир Темуражамғармаси раиси Нозим Ҳабибуллаев ва бошқалар бугунги Ватан ҳимоячилари нафақат йирик империя асосчиси, балки буюк саркарда бўлган Соҳибқироннинг муносиб авлодлари эканини таъкидлади.

– Мен артиллерияда хизмат қилдим, – дея таассуротлари билан ўртоқлашди Термиздан қайтган оддий аскар Абдулазиз Абдуманнов. – Мамлакатимиз олий ўқув юртига имтиёзли равишда ўқишга кириш учун қўмондонлик томонидан бериладиган тавсиянома ни кўлга киритдим. Армиядаги хизмат ҳаётини тажрибамни бойитди, дўстлик ва йигитлик лаф-



## ПОЙТАХТНИНГ БИР КУНИ



зига содиқ қолишни, умрнинг ҳар лаҳзасини қадрлашни ўргатди.

Аскарларни ота-оналари бағрига қайтариш мақсадида сержант Умурзоқ Ҳудоёров ҳарбий қисмдан уларга ҳамроҳлик қилди.

– Жанговар тайёргарликда улкан муваффақиятларга эришган оддий аскарлар Нодиржон Раҳмонов, Акмалжон Толиповларни алоҳида тилга олмоқчиман, – деди у. – Шубҳасиз, бу йигитлар буюк Амир Темуражамғармаси шонли ишларини муносиб давом эттиради.

Йигитлар ҳарбий оркестр садолари остида вокзал перронни бўйлаб ота-оналар ва меҳмонлар олқишлари остида сафда тантанали қадам ташлади. Улғайган, руҳан етук ўғиллар мустақил Ўзбекистон келажагини куради.

Аблай КАМОЛОВ

## ADWEEK ҲАФТАЛИГИ – ЯҒОНА МАЪРИФИЙ ВА МУЛОҚОТ МАЙДОНИ

**Миллий матбуот марказида ADWEEK маркетинг ва реклама ҳафталиги бошланиши муносабати билан матбуот анжумани ўтказилди.**

Мазкур ҳафталик "Миллий маркетинг маркази" корхоналар уюшмаси томонидан Хусусийлаштирилган корхоналарга кўмаклашиш ва рақобатни ривожлантириш давлат қўмитаси, Солиқ қўмитаси, Ахборот технологиялари ва коммуникацияларини ривожлантириш вазирлиги, Савдо-саноат палатаси, Интеллектуал мулк агентлиги ва бошқа ташкилотлар ҳамкорлигида ташкил этилмоқда.

Хусусийлаштирилган корхоналарга кўмаклашиш ва рақобатни ривожлантириш давлат қўмитаси бошқарма бошлиғи Д.Азимов, "Миллий маркетинг маркази" корхоналар уюшмаси бошқаруви раиси Д.Мирзаахмедов, Россиянинг "Khisam Communications" компанияси раҳбари Т.Хисамов ва бошқалар Ўзбекистонда маркетинг соҳасини, айниқса, рек-

ламани ривожлантириш, бу йўналишда фаолият кўрсатаётган мутахассисларни ҳар томонлама қўллаб-қувватлаш ҳамда уларга назарий ва амалий кўмак бериш борасидаги чора-тадбирлар муҳим аҳамиятга эга эканини алоҳида қайд этди.

Аънавий ўтказилаётган маркетинг ва реклама ҳафталиги ўзига хос мулоқот майдони ҳисобланади. У маркетинг мутахассисларини бирлаштиришга, мавжуд брендларни, маркетинг лойиҳаларини яратиш ва реклама кампанияларини ишлаб чиқишга туртки беради.

– Ҳафталик иштирокчилари реклама воситаси орқали бизнес юртининг фойдали жиҳатлари, миллий рекламани ҳуқуқий тартибга солиш ва бошқа кўплаб мавзулар бўйича фикр алмашадилар, – дейди Хусусийлаштирил-

ган корхоналарга кўмаклашиш ва рақобатни ривожлантириш давлат қўмитаси бошқарма бошлиғи Д.Азимов. – Улар маҳаллий ва хорижий экспертларнинг фикрларини тинглаш билан бир қаторда катта муваффақиятга эришган чет эллик маркетинг мутахассислари билан мулоқотда бўлиб, тажриба алмашиш имкониятига эга бўлади. Шу маънода, ҳафталик янги мулоқотлар ўрнатилиш, интеллектуал мунозараларда иштирок этиш ва гоғлар алмасуви учун жуда қулай имкониятдир.

Ҳафталик доирасида маркетинг конференцияси, маркетинг ва реклама кўргазмаси, ADWEEK реклама танлови ҳамда инновация ярмарка, workshop ва панелли мунозараларини ўтказиш режалаштирилган.

Насиба ЗИЁДУЛЛАЕВА, ЎзА мухбири

миқёсда ўрганиш ва тарғиб қилишда замонавий ёндашувларни илгари суриш, кадрлар салоҳиятини ошириш Ўзбекистон миллий брендини шакллантиришнинг муҳим омилли экани қайд этилди. Мазкур жараёнда давлат ва жамоат ташкилотларининг ягона мақсад йўлида ҳаракат қилиши, халқаро ташкилотлар билан ҳамкорликда лойиҳаларни амалга ошириши каби масалаларга алоҳида эътибор қаратилди.

– Ўзбекистон жаҳон бозорида ўз миллий брендини илгари суриш борасида катта салоҳиятга эга, – деди ЮНЕСКОнинг мамлакатимиздаги ваколатхонаси раҳбари Бадарч Дендев. – Мамлакатимизнинг бой маданияти ва санъати, асрий аънаёлари, тарихий шаҳарлари бор. Айни шу имкониятлардан оқилона фойдаланиш юртингизнинг халқаро миқёсдаги жозибадорлигини янада ошириб, сайёҳларни ўзига жалб қилиш имкониятларини юксалтиради.

Тадбирда миллий брендини тарғиб қилишда Ўзбекистоннинг маданият ва санъат соҳасидаги имкониятларидан унумли фойдаланиш юзасидан фикр-мулоҳазалар билдирилди. Журналистларни қизиқтирган саволларга жавоб қайтарилди.

У.ШОНАЗАРОВ, ЎзА мухбири



## МАМЛАКАТИМИЗДА

• Ўзбекистон ёшлар иттифоқи томонидан ўтказилган "Ёш китобхон" танловининг мамлакат босқичида Кўкон давлат педагогика институтининг ўзбек тили ва адабиёти факультети 3-курс талабаси Шарофатхон Исмоилова биринчи ўринни эгаллаб, Президент совғаси – "Spark" автомобили билан тақдирланди.

• Андижон шаҳридаги Муҳаммад Юсуф номидаги хиёбонда муддатли ҳарбий хизматга чақирилган йигитларни кузатишга бағишланган тантанали тадбир бўлиб ўтди. Кузатув маросимида вилоят ҳокимлиги, мудофаа ишлари бошқармаси, вилоят хотин-қизлар қўмитаси, "Маҳалла" хайрия жамоат фонди вилоят бўлими, Ўзбекистон ёшлар иттифоқи вилоят кенгаши ва бошқа жамоат ташкилотлари вакиллари, ҳарбий хизматчилар ва бўлажак аскарларнинг ота-оналари иштирок этди.

• Сирдарё вилоятидаги ҳарбий қисмларнинг бирида Президентимизнинг 2018 йил 13 январдаги "Ўзбекистон Республикаси фуқароларини муддатли ҳарбий хизматга навбатдаги чақируви ҳамда белгиланган хизмат муддатларини ўта бўлган ҳарбий хизматчиларни Қуролли Кучлар резервига бўшатиш тўғрисида"ги қарорига мувофиқ, ўз йигитлик бурчини адо этиб, ҳақиқий Ватан ҳимоячилари бўлиб етишган бир гуруҳ йигитларни уйларига тантанали кузатиш маросими ўтказилди.

• Тошкент вилоятининг Қибрай туманида "Ички ишлар органларининг намунали таянч пункти" кўрик-танловининг вилоят босқичи гоғлибларини тақдирлашга бағишланган тадбир бўлиб ўтди.

## ЖАҲОНДА

• Кеча Испаниянинг Барселона шаҳрида "Яхши келажакни ташкил этамиз" шиори остида Бутунжаҳон мобил фестивали бошланди. Унда жаҳоннинг турли давлатларидан 230 та катта ва кичик соҳа ишлаб чиқарувчилари ўзларининг энг янги ишланмалари ва ихтиролари билан иштирок этмоқда. Кўпчилик мутахассислари "Самсунг", "Хуавей", "Нокия" каби етакчи компанияларнинг янги смартфон ҳамда ноутбуклари қизиқтирмоқда.

• Берлинда ўтказилган навбатдаги нуфузли халқаро кинофестиваль якунланди. Унда Польшаниннг "Қиёфа" номли фильми анжуманининг бош мукофоти – Гран-прига сазовор бўлди. Шунингдек, улкан киноанжуманининг "Энг яхши режиссёр", энг яхши эркак ва аёл актёрга мўлжалланган ва бошқа совринлари ўз эгаларига топширилди.

• Италиянинг Венеция шаҳрида сўнгги кунларда ёғингарчилик кузатилмаётгани сабаб сув сатҳи меъёридагидан 60 сантиметрга пасайиб кетди. Охириги икки йилдан бери бундай ҳолат кузатилмаганди. Бу асосан кичик каналларга тегишли бўлиб, уларда қайиқлар ҳаракати бутунлай тўхтаб қолди. Асосий Гранде каналида қайиқлар сайёҳларни ташишда давом этмоқда.

## ЎЗБЕКИСТОН БРЕНДИНИ ТАРҒИБ ҚИЛИШДА МАДАНИЯТ ВА САНЪАТНИНГ ЎРНИ

**Дунёдаги ҳар бир халқнинг ўз тарихи, ривожланиш йўли, сиёсий қарашлари бор. Инсонларни ўзаро боғлаб турадиган шундай муносабатлар ҳам мавжудки, бу дунёда тинчлик ва ҳамжиҳатликка эришиш, ягона маконда барқарор ривожланиш каби ижобий тенденцияларга эришиш имконини бермоқда.**

Бу халқларнинг асрлар оша шакллانган маданият, санъат ва аънаёларга муносабатидир. Айни шу мезонлар бугун давлатларнинг ҳам маънавий, ҳам халқаро майдондаги нуфузини ошириш ва барқарор ривожланишнинг муҳим шартидир.

Пойтахтимизда ўтказилган "Мамлакат тараққиёти ва халқаро имижини шакллантиришда маданият ва санъатнинг ўрни" мавзусидаги халқаро давра сўхба-тида шу ҳақда сўз юритилди.

Ўзбекистон Республикаси Маданият вазирлиги ҳузуридаги Маданият ва санъатни ривожлантириш жамғармаси томонидан ташкил этилган тадбирда сенаторлар, депутатлар, тегишли вази-

лик ва идоралар, дипломатик корпус вакиллари, халқаро экспертлар иштирок этди.

Олий Мажлис Сенатининг Халқаро муносабатлар, ташқи иқтисодий алоқалар, хорижий инвестициялар ва туризм масалалари қўмитаси раиси Алишер Курманов ва бошқалар Президент Шавкат Мирзиёев раҳнамолигида Ўзбекистон миллий брендини яратиш ҳамда дунёнинг ривожланган давлатлари қаторидан жой олишга қаратилган стратегик вазифалар муваффақиятли амалга оширилаётганини таъкидлади. 2017-2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясини ҳаёт-

га татбиқ этиш доирасида амалга оширилаётган изчил ислохотлар бунда муҳим аҳамият касб этаётгани қайд этилди.

Тадбир иштирокчиларининг фикрича, муваффақиятли бренд, биринчи навбатда, туризм ва маданият каби бир-бири билан боғлиқ соҳаларни ривожлантиришнинг такозо этади. Маданиятлараро ижодий мулоқотни йўлга қўйиш ўзбек санъатининг жаҳон бадиий ва маданий маконига интеграциялашувига кўмаклашишда муҳим ўринга эга.

Анжуманда Самарқанд, Бўхоро, Хива сингари тарихий шаҳарлар, Ўзбекистон заминидан етишиб чиққан буюк алломалар, уларнинг бебаҳо меросини кенг





